



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU **LISTE ZA BUGOJNO**

Broj: 03-07-6-168/20
Sarajevo, 23.07.2020. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Liste za Bugojno za 2018. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom finansijskog izvještaja za 2018. godine, utvrđeno je da je Lista za Bugojno prekršila odredbe člana člana 12. stav (4) i stav (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Liste za Bugojno za 2018. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Lista za Bugojno nije ostvarila prihode, što se vidi iz sljedeće tabele:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propagande (3-g)	0,00	
I	Ukupni prihodi (1-8)	0,00	
II	Ostali prihodi i drugo	0,00	
	Izvori finansiranja (I+II)	0,00	

U godišnjem finansijskom izvještaju za 2018. godinu Lista za Bugojno nije iskazala rashode.

2. PREDSTAVLJANJE POLITIČKE STRANKE

Naziv političke stranke: Lista za Bugojno. Skraćeni naziv stranke: Lista za Bugojno.

Stranka je registrovana kod Općinskog suda u Travniku, Rješenjem broj: 051-0-F1-12-000003 od 23.05.2012. godine.

Sjedište političke stranke je u Bugojnu, Rovna 96.

Lica ovlaštena za zastupanje stranke u 2018. godini su: Emir Muftić, podpredsjednik, Nihad Ćurić, predsjednik i Besim Cetin, sekretar stranke.

Lice ovlašteno za podnošenje finansijskih izvještaja za 2018. godinu je Nihad Ćurić.

Prema podacima iz godišnjeg finansijskog izvještaja za 2018. godinu, Lista za Bugojno nema niže organizacione dijelove.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Liste za Bugojno za 2018. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Liste za Bugojno obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava. Obim kontrole je ograničen jer stranka nije dostavila poslovne knjige i dodatnu finansijsku dokumentaciju.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Liste za Bugojno u periodu od 2012. do 2016. godine, nakon čega su izdati izvještaji o reviziji i pregledu sa mišljenjem revizora i nalazima revizije. Nakon izvršenog pregleda godišnjeg finansijskog izvještaja za 2016. godinu, Služba za reviziju je izdala izvještaj o pregledu sa mišljenjem revizora, nalazima revizije i preporukama stranci: da finansijske izvještaje koje podnosi Centralnoj izbornoj komisiji Bosne i Hercegovine dostavlja u skladu sa rokovima propisanim odredbama Zakona o finansiranju političkih stranaka i popunjava u skladu sa Pravilnikom o godišnjim finansijskim izvještajima političkih stranaka i da dostavlja dodatnu dokumentaciju.

Lista za Bugojno nije dostavila godišnji finansijski izvještaj za 2017. godinu.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Lista za Bugojno nije ispoštovala date preporuke revizije.

5. NALAZI I PREPORUKE

5.1. NALAZI

Lista za Bugojno prekršila je odredbe člana 12. stav (4) i stav (5) Zakona o finansiranju političkih stranaka.

Lista za Bugojno nije godišnji finansijski izvještaj za 2018. godinu podnijela u zakonom propisanom roku i na način utvrđen Pravilnikom o godišnjim finansijskim izvještajima političkih stranaka-u daljem tekstu: Pravilnik, i nije dostavila dodatnu dokumentaciju, čime je prekršila odredbe člana 12. stav (4) i stav (5) Zakona o finansiranju političkih stranaka.

(1) Lista za Bugojno je godišnji finansijski izvještaj za 2018. godinu podnijela godinu dana nakon zakonom propisanog roka, čime je prekršila odredbe člana 12. stav (4) Zakona o finansiranju političkih stranaka.

Centralna izborna komisija Bosne i Hercegovine je sve političke stranke, među kojim i političku stranku Lista za Bugojno, obavijestila o obavezi da godišnji finansijski izvještaj za 2018. godinu dostavi u zakonom propisanom roku, tj. do 31.03.2019. godine¹.

Kako stranka nije dostavila godišnji finansijski izvještaj za 2018. godinu do 31.03.2019. godine, Centralna izborna komisija Bosne i Hercegovine je stranci, dana 17.04.2019. godine, uputila Urgenciju za podnošenje godišnjeg finansijskog izvještaja za 2018. godinu² putem aplikacije "FI CIK BIH" u roku od sedam dana od dana prijema urgencije, ali stranka nije postupila u skladu sa urgencijom.

Lista za Bugojno je godišnji finansijski izvještaj za 2018. godinu elektronski putem aplikacije FI CIK BIH podnijela dana 03.03.2020. godine, te u čvrstoj kopiji dostavila Centralnoj izbornoj komisiji Bosne i Hercegovine dana 05.03.2020. godine.

¹ Obavještenje o obavezi podnošenja godišnjeg finansijskog izvještaja za 2018. godinu broj: 03-07-6-129-1/19 od 12.02.2019. godine.

² Urgencija broj: 03-07-6-395-1/19 od 17.04.2019. godine.

- (2) Na osnovu podataka iz službenih evidencija koje vodi Centralna izborna komisija Bosne i Hercegovine, utvrđeno je da stranka u godišnjem finansijskom izvještaju za 2018. godinu nije iskazala obaveze po osnovu neplaćene kazne u iznosu od 1.000,00 KM, čime je prekršila odredbe člana 24. Pravilnika.

Uvidom u Odluku broj: 03-07-6-484/18 od 20.12.2018. godine utvrđeno je da je Centralna izborna komisija Bosne i Hercegovine političkoj stranci Lista za Bugojno zbog kršenja odredaba Zakona o finansiranju političkih stranaka izrekla novčanu kaznu u iznosu od 1.000,00 KM.

S obzirom da stranka nije platila novčanu kaznu, obaveza stranke po osnovu neplaćene kazne na dan 31.12.2018. godine iznosi 1.000,00 KM, što je stranka trebala i iskazati u obrascu 5 (obaveze) godišnjeg finansijskog izvještaja.

- (3) Dana 15.04.2020. godine, Centralna izborna komisija Bosne i Hercegovine je stranci uputila Zahtjev broj: 03-07-6-168-2/20 za dostavljanje dodatne dokumentacije, kojim je zatraženo da dostavi: kopije izvoda sa transakcijskog računa stranke za period 01.01.-31.12.2018. godine broj: 1414355320002487 kod Bosna bank International d.d Sarajevo ili potvrdu navedene banke da stranka nije imala promet na transakcionom računu tokom 2018. godine i kopiju godišnjeg obračuna (završnog računa) za 2018. godinu ovjerenog od nadležne institucije u Bosni i Hercegovini (Bilans stanja i Bilans uspjeha).

S obzirom da Lista za Bugojno nije postupila u skladu sa zahtjevom Centralne izborne komisije Bosne i Hercegovine, odnosno u ostavljenom roku nije dostavila traženu dokumentaciju, prekršila je odredbe člana 12. stav (5) Zakona o finansiranju političkih stranaka.

5.2. PREPORUKE

Preporučuje se Listi za Bugojno da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijske izvještaje koje podnosi Centralnoj izbornoj komisiji BiH dostavlja u zakonom određenom roku i popunjava na način utvrđen Pravilnikom o godišnjim finansijskim izvještajima političkih stranaka i*
- *da dostavlja traženu dodatnu finansijsku dokumentaciju.*

KOMENTAR

U ostavljenom roku, Lista za Bugojno nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2018. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

Mr. sc. Hasida Gušić